

CHUNGA KONA PANPINA

"Chunga Kona Panpina" hi Bible mun tina kona thupi dung juiya Bible chang kilakhoma kigol ton ahi. Pathen Lekhabu (Bible) hilchet phapen chu Bible hi, ahijenge ti katah sane.

Pathen Thu hi "chungu kona" hunga ahi chule lungsunga thudih jala gilkel le dangchah ho dia phachom tah ahL Mihem khatin kish na neiya chonsetna anungsun teng, Pakai Jesu Christa chu alung sunga cheng dinga atep'aj chule Pakai Jesu Christa chu alung pumpia huhhingpa mong ahi tia atahsan tengle Pakai Amatah chu ahenga hung kilanga, atahsan pa lungsunga chu Ama a kipana le lungmonna chu akhum pen ding ahi. Keiman hichu 1937 kuma chu kaneisa ahitan, tuni chanin hiche kiloikhomna kidang chu kal ha kang louhel ahitai. Nangin jong TUHIN Ama chu Pakai le Huhhingpa ahi ti tahsanin lang ahenga kipelut'in tia katem nahi, kipelut nailou nahi leh. — Watson Goodman

PATHEN MI-NGAILUT

Rome 5:8 Ahin Pathenin eingailut nau photchenna eimusah-un ahi; ajeh iham itile eiho chonset'a ium laitah un Christa eiho khelin athitan I ahi. John 13:1 Kalchuh kut masangin Jesun, I hiche vannoiya kona apa henga ache ding phat ahung Ihungtai, ti ahen, vannoiya um amaa ho chu angailun akhon ni geiyin an-gailu lhumkeiye. Thuphon 1:5 Athu hettosah ginchat umtah Jesu Christa a kon chun lungset le lungmonin umpiuvin. Eiho eingailua athisana ichonset cheng-seuva kona eisut lhama. Jeremiah 31:3 Gamla tah a konin Pakai keima henga ahung kilah-e. Keiman nangma hi guitan louva kalungset nahin, Hiche jeh a chu nangma koma Kakitahna kabanjom jing jeng ahiye. John 3:16 Ajeh chu Pathenin hibanga hi vannoi angailut ahin, koi hijongle ama tahsan chan chu mangthah louva tonsot hin kemlou anei theina dingin, Achapa chang khat chu apetan ahi.

JESU CHRISTA PATHEN HINA

Matthew 1:22, 23 "Pakaiyin themgao kama aseithu, 'Veuvin, nu ngah chu

hung gaiyin tin chapa khat ahin ding ahi, chule amin Emmanuel asah ding ahi,' ati. (Hichu Pathenin eiumpiueve, tina ahi)' tia ase chu gui lhunna dinga thu hicheng chu soh a ahi," ati. 1 Timothy 3:16 Pathen ngaisahna thuguh chu nelkalna beihel'a len a ahi; 'Ama atahsa a kiphonga, Lhagaova them changa ahitai; Vantil le ho mun aumin, Chitin namtin lah a aseiphonga uma ahitai; Vannoiya tahsana uma ah itan, Loupia lah touva uma ahitai. John 14:9, 10a Jesun, "Vo Philip, keima hiih chan nang ho toh kauma jong neihet loulai ham? Keima einuia chun ka-Pa amu ahitai; achuole Pa chu neimusah-un, iti nati ham? Keima Pa a kaum chule Pa jong keiya aum, hiche hi natah-san lou ham?" John 1:1, 14 1 AuTa chu Thu um ahin, Thu chu Pathentoh uma ahi, chule Thu chu Pathen ahi. ... Chujn Thu chu tahsaphe ahung soh-lu ilah-uva ahung chengin, keihcjin aloupina Pa a kona chapa charig khatseh loupi chu, lungset le thutah dimset'in kamutauve.

JESU CHU PATHEN CHAPA

1 John 4:15 Koi hijongle Jesu chu Pathen Chapa ahi, ti janoma seido chu Pathen ama a chu uma, ama Pathena uma ahi. Colossae 2:9 Ajeh chu hichea chu Pathen hina jouse chamkimna tahsa banga cheng ahi. Isaiah 9:6 Ijeh-inem itile eiho dingin naosen khat apengin, Chapa khat eikipeuve; Alengkouva vaipohna apun, Chule amin jong "Thumop them kidang tah, thanei tah Pathen, Tonsot mipa, chamna leng chapa," akiti. Matthew 17:5 Aseipettah chun vetau, meibang lhang khat'in amaho chu ahinlekhutan ahi. Chuin meilhang lah a kon chun o khat'in, "Hiche hi ka-Chapa deitah ahi, achunga kalung alhai ta ngeiye, athu ngaiyun," ati. Luke 1:35 Chuin Vantil chun adonbut'in, ajah a, "Lhagao Tbeng nachungah hung chun tin chule Chungnungpen thilbol thei nan nahinlekhu ding ahi, chule hichejeh a chu ahung peng ding atheriga chu Pathen Chapa kiti ding ahi."

JESU KOI AHI AKIPHONNA

John 11:25 Jesun amanu jah a, "Keima hi thokitna le hinna kahi; keima eitahsan a chu thi jong le hing ding ahi." John 13:13 "Nang hon keima 'Houhil le Pakai' neitiuve; hiche natiu chu aphai, ijeh-inem itile keima

hichu kahi." John 9:5 "Vannoiya kaum laisea hi vannoi vah kahi," ati. John 8:58 Jesun ajah uva, "Keiman nang ho tahbeh beh a kaseipeh nahiue; keima Abraham masang peh a umsa jing kahi," ati. John 10:7 Hijeh chun Jesun ajah uva aseki kit leuvin, "Keiman nang ho tahbeh beh a kaseipeh nahiue, Keima hi kelngoi hong kot kahi." John 6:35 Jesun ajah uva, "Keima hi hinna changlhah kahi; kahenga hunga chu gilkel lou ding, chule keima eitahsana chu dangchahta louhel ding ahi." John 8:23 Chuin aman amaho jah a, "Nang ho noiya kon nahiuvun, keima chung a kon kahi; nang ho hiche vannoiya mi nahiuvun, keima hiche vannoiya mi kahipoi."

JESUN MELCHIHNA KIDANG ABOL PHABEP

Matthew 14:19-21 Chuin miho chu hampa chung a tou dingin asol'in, changlhah pheng nga le nga ni chu alan van lam aven phatthei aboh-in, chu in changlhah chu aheh bai bal'in aseijuite khut'a apen; aseijuiten mipi chu ahop peh-un ahi. Chuin abonchauvin aneuvun ava soh keiyun; aneh moh-u anong chengse chu paipen som le paipen ni aloh dimun ahi. Anea chu numei le chapang sim louvin mi sang nga jen ahiue. Luke 5:4-6 Chuin atouvin konga pang chun mipi chu thu ahiltan ahi. Chuin athusei angah pbat'in Simon jah a, "Lithuh lam jonin nga man dingin nalen sep lhan," ati. Chuin Simonin adonbut'in, "Pipu, jan khovah keiyin kabol'un imacha man louhel kahiue; ahivangin nangma thusah-in len gahsep lhange," ati. Chuin chutia abol phat chun nga atama tam akhu khatauvin alenu chu asedeh jengin ahi. Matthew 21:19 Chuin aman lamkenga theichang phung khat amun, aphunga achen ahile ana tailou imacha aga aumpoi. Chuin aman, "Imatih chanin naga ga kitta hih ben," atin ahile chupettah chun theichang phung chu agoppai jengtai.

JESU CHU PAKAI LE THIL JOUSE SEM

1 Corinth 1:9 Pathen tahsan urn tah ahi. Aman a-Chapa i-Pakaiyu Jesu Christa kithopi dinga nakoulut'u ahitai. Hebrews 1:2 Pathenin. . . rulai ni nunung a hin a-Chapan eiho heng'ah thu aseitai; hiche a-Chapatah chu ima jouse gouloa atun ahitai; chule thilsem jouse jong hi ama khut'a asemsah

ahi. Solchahte 2:36 "Hijeh chun Israel insung mi jousen kichentah-in heuhen, hiche Jesu nanghon thingpel a nakhetbeh-u chu Pathenin Pakai le Christaa atun ahitai," ati. Colossae 1:16 Ajeh chu amaa ciuu thil jouse kisema ahi, van chungga, leiset chungga, thil muthei le mumo, laltouna hihen, loinehni gam hijong le piputna hihen, tha hat thuneina hijong le, thil jouse amaa chide ama dinga kisema ahi. Rome 14:9 Ajeh chu athile ailing Pakai ahikop theina dinga hi, Christa tfcia chua hingdoh kit ahi. John 1:3 Hiche Lhagao thuseidoh ho sim a, chule ja a, chule asunga kisun thuho chengse nit'a chu anun noma ahi; phat anai jeh hin.

JESU CHU MIJOUSE THUTAN

Solchahte 10:42 Chuin ahingle athi thutana Pathenin atun, ama hi ahi, ti thu miho hillea hetsah dingin thu eipeuvin. Rome 2:16 Hicheng chu ka-Thupha seiphongle dungjuiya, Pathenin Jesu Christa amanchah-a mihemte guhthim thu atan nilah chuti ding ahi. 2 Timothy 4:1 Keiman Pathen mitmua le ahing le athi ho thu tan dinga Christa Jesu mitmua ama hung kilahna le agam chu pan a guntah a kahilchah nahi. Matthew 25:32 Chule namtin vai jouse ama anga chu kikhom ding; chule achingpan keliah a kona kelngoi achom khen banga aman khat'a kona khat achom khen. John 5:22 "Pa chun mi koima thu atan-poi, thutan ding jouse Chapa apehdoh ahitai." Rome 14:10 Ahin ibola nangin nasopi naoimoham? Chujongle nangin nasopi ibola musit nahim? Ajeh chu Pathen laltouna anga ibonchauva idin dingu ahinalaiye.

CHRISTA A LHATDAMNA

Hebrews 5:9 Chuin ama chamkimsah soh keiyin aumin, athua nung ho jouse dingin tonsot sochatna bulpi asohtan ahi. Hebrews 7:25 Hijeh chun amavanga Pathen kom nai lutte ho chu, taopeh dinga ama hing jing jeng ahijeh a chu amaho chu huhhing chamkimsoh thei ahi. Solchahte 4:12 "Chule koima dangah huhhingna aumpoi; ijeh-inem itile vannoiya mihem lah-a huhhinga iumna dinguva kipea min dang amin dang in aumpoi," ati. John 14:6 Jesun ajah a, "Kei hi lampi le thutah chule hinna chu kahi; keiya

che lou chu koima Pa kom; alhungpoi." John 8:24 "Hichejeh a chu najah uva, 'Nachonset chenga nathi dingu,' kati ahi; kei hi ama chu kahi, natahsan louseuva naohonset chenga nathi dingu ahi," ati. John 10:9 Keima hi kot chu kahi; mi keiya lut chu huhhinga um ding Shi, chule lut le pot lea chule Ham nea lhatle na amu ding ahi.

CHRISTA A LHATDAMNA

Colossae 1:12-14 Vah-a cheng mithengte chan chankhompia loma eiho eisema Pa chu thangvah jingun; ama chun muthim thahat thuneinaa kona eihuhdoh-u ahi, chule a-Chapa ngailut gam mi eisou ahi; amaa chu eihon kilhatdohna ineiyuva chonset ngaidamna ineiyu ahi. Thuphon 5:9 Amaho chun la thah khat asauvin: "Lekhabu chu ala ding le Asinkhana lhamlha dinga lom nangmabou nahi; Ajeh chu nangma kithat tasa nahi. Phungtin le chitin namtina mi, Paotin paotanga mi, gam vaipi nam jousea mi Pathena dinga nangman na-thisana nachohdoh ahitai." Titus 2:14 Chonphat louna jousea kona aman afeh a eiho eilhatdoh theina dingu le ama a hi dinga thilpha bol'a tompa mi vai khat ama dinga akisuh theng theina dinga, ama chu eiho dinga ama kipedoh ahitai. 1 Corinth 1:30 Nangho vang chu Ama vanga Christaa um nahiuve. Pathenin ama chu eiho dinga chihna, chonphatna, kithensona kilhatdohna a asem ahi.

CHRISTA THISANA LHATDOHNA

1 John 1:7 Ama vah a aum banga eiho jong vah a chu iva leu vang le kiloikhom ihu ahi, chule a-Chapa Jesu thisana chonsetna jousea kona eisil ngimjiu ahi. 1 Peter 1:18, 19 Napute napateu hinpehson chonna homkeova kona chu mangthei thil sana le dangka a kilhatdoh nahipouve; boh beh louhel le nolna beihel kelngoinou, Christa thisan lutah a chu, kilhatdoh joa nahibouvui. Hebrews 9:14 Christa tonsot kemlou Lhagaova nolna beihel'a, ama Pathena kipedoh jenga this in chun Pathen hing lhachales pang dinga, thina natoh a kona ase apha nahetnau chu gamchenga asuh theng cheh ding ahi. Rome 5:9 Chuti ahi jeh chun eiho tun, Christa thisan vai ga chonphaa kisim ihitah jeh-u chun, achungchona ama vanga Pathen

lunghanna kona huhhinga umtei ding ihuive. Ephesus 1:7 Hiche alungdei v inga chu eiho, athisana kilhatdoh ihuive, lungsetnaa ihao dungjuiya isuhkhelna jouseu ngaidam ichanu ahitai.

CHRISTA TAHSAN VANGA HUHHINGNA

Ephesus 2:8, 9 Lungset mana tahsan vanga huhhinga uma nahitauve; hichu nanghoa kon ahipoi, Pathen thilpehloh ahibouve; koimacha kison thei louna dinga, hichu thilbol vanga hilou ahi. Galatia 5:6 Ajeh chu Christa Jesuah cheptan hi aphatsahna aumpoi, cheptanlou jong hi ima ahidehpoi; ahin tahsan ngailutnaa tonga chu phachoma ahibouve. Rome 5:1 Chuti ahin tahsan vanga eiho chonphaa kisim ihitah jeh un iPakaiyu Jesu Christa vanga Pathentoh kichamdela um ihitauve. John 20:31 Jesu chu Pathen Chapa Christa ahi chu natahsan'uva natahsan vanguva ama min a hinna nanei thei dinguva hichengse hi kisuna ahibouve. 1 John 5:4 Ajeh chu koi hile Pathena kona penga chun vannoi hi ajo ahitai. Chule vannoi jouva chu itahsanu hi ahi. John 6:28, 29 Hichun amahon ajah a, "Pathen lunglam na katoh theina dinguva ipi kabol dingu ham?" atiuve. Jesun adonbut'in ajah uvah, "Ahinsol hi tahsan leu chun hichu Pathen natoh ahi," ati.

PATHEN MI KHOTO

Labu 108:4 Ajeh chu ualungset longlou van sangin asang jon, Nakitahna Jong meilhang lah geiyin akitungdoh peh-e. Titus 3:5 Eihon eiho chama ibol'u chonphat thilbol vanga hilouvin, aman amilungset dungjuiya pentahna a asil'a, Lhagao Thenga athah sema. Ka La 3:22, 23 Pakai lungset longlou chu atang deh poi, Amihepina jong beiti neilouva um jing ahi. Jangkah sim jangkah seh le athah jing jengin, Hiej chun nakitahna hi aloupi lheh jenge. Labu 103:17 Pakai lungset longlou le adihna vang chu, Ama gingte din tonsot kumkhua achate atuteu dingigei ahi. Micah 7:18 Nang banga agoulo amite ahingdoh amoh chengse dia Themmona ngaidama sub khelna subeisoh thei Pathen koipen um ding ham? Pathen chu alung hang jing jeng poi; Ajeh chu Pakai hi Lungset longlouva anei hi kipah jo ahibouve. Labu 103:11 Ajeh chu ieiset'a kona van asan banga

Ama gingte dia Pakai lungset jong nasatah ahiye.

PATHENIN AHENGA DIN EIKOU VUI

Thuphon 22:17 Lhagao le niouvin. "Hungin," ti hen; chule adang chah chan hung hen; ago chanin manbeiyin hintwi chu kilah hen. John 7:37 Chuin kut kichai nin, hichu nipi ni ahin, Jesu adingin hatah-in asamin, "Koi hijongle adangchah a chu kahenga hung hen, hung don hen." Isaiah 55:1 Kha-e, adang chah chanin twiphung hinjon cheh-uvn, Sum neilou chu hungu hen kichoh uhen nejong neu hen! Hunguvin lengpitwi le bongnoi kichohuvin, Sum beiyin chule aman beiyin. Matthew 11:28 "Tonggimte le pohgihte, kahenga hungun; keiman nang ho cholngah sah unge." 2 Corinth 5:20 Hiche jeh-a chu Pathenin keiho lengpalaiya eipansah uva keiho a kona chamna athum ahin, keiho Christa dinga palai kahiue; Christa dinga kathumnau hiche ahi, Pathen toh kichamun. Isaiah 1:18 Pakaiyin hitin aseiyee, "Hunguvin kihou toh uhite; Nachonset'u thisan bang jongleh Buhbang banga bang ding nahiue; Sandup je ju jongleh, Kelngoimul jolsel tobang hiding ahi.

MIJOUSE PATHEN CHATE AHIPOI

1 John 3:10 Hichea chun Pathen chate le diabol chate akilangdoh jin ahi; koi hile chonphat pan lou chule koi hile asopi ngailu lou chu Pathena kon ahipoi. 2 Corinth 6:17, 18 Chuti ahi jeh chun Pakai chun ati, "Nangho amaho lah-a kon chun hung potdoh-un, Chule achomin umun; Chule thilbob tongkha hihhelun; Chule keiman nangho kalah lut ding nahiue. Chule keima napau hing ting, Chule nangho Kachapate le Kachanute nahi dingu ahi," tia hatchung nung Pakai chun aseiyee. Rome 8:14, 15 Ajeh chu Pathen Lhagao kaihoiya umho cbengse chu Pathen chate ahiue. Ajeh iham itile kichat kitna dinga sohchanna lhagao changa hilouvin, chapa hina lhagao changjoh nahibovui; hiche lhagao vanga chu, Abba! Hepa! tia ikoujiu ahi. Philippi 2:15 Chutia chu nolna neile suhsetbei Pathen chate nahidoh theyuva, khang lamvaile vahkoiho lah a nolna beihela naumuva, vanoiya alah uva meivah banga kilang nahina dingu.

JUKHAM THUDOLLA PATHEN THUSEI

Thuchih Bu 20:1 Ju kiti hi mi dai chavaiya pang ahin, Khamna thei kiti jong hi kinah kibaona tah ahibouve. Hijeh chun koi koi hijongleh Khamna theiya lop'a chu miching ahipoi. Isaiah 5:11 Ohe ada ahiuve khamna thei don dinga Jingpi tah a thouji mi ho, Jutwijin achup hei kahseuva Jankhang khang geiya jantoute! Galatia 5:19-21 Chule tahsaphe lam thilbol cbengse vang chu akilange; hichu jonthanhoi, thenlou, hub, milim hou, doichoi, kidou, kinah kinel, kimitthip, lunghan, loitum sem, kilangkhin, kibungkhen, kithangset, jukham, eltol golnop bol chule chutobang adang dang jong chu ahi; hichenga chu masanga kahilchah banguva chu amasanga kahilchah masah nahiuve, chutobanga chonho chun Pathen gam alo lou dinguh. Rome 13:13, 14 Suna bangin hoitah-in umuhite; junech motchon le jukhama um louvin, huhle jonthanhoi nei louvin, kinahna le kithangset beihelin umuhite. Pakai Jesu Christa chu kivonjoh bovun, naphe phatna dinguh tahsa lam ngaichat suhbulhit ding imacha go hih-un.

LUNGTHEN MAIYA LHINGLOU

Mark 10:17-22 Chuin lampi dunga che dinga apotdoh pettah-in mi khat ahung lhajiel'in a-angah adilsun, "Houhil pha, iti leng tonsot hin kemlou kachan thei ding ham?" tin adongin ahi. Chuin Jesun ajah a, "Ibol'a apha neiti ham? Pathen khatseh tailou koimacha apha aumpoi. Thupeh cheng, 'Tol tha hih-in, jon bol hih-in, Gucha hih-in, thu jouvin mi heh hih-in, duhan mi bol hih-in, nanu napa jabol'in, 'ti chu nahenai," ati. Ahin amapan adonbut'in ajah a, "Houhil, hichengse chu kachapan laiya pat'a kahin nitpeh ahitai," ati. Chuin Jesun ama chu aven ahile angailun ajah a, "Khat nabat nalaiye; chen lang nanei chengse gajoh-in lang mivaicha genthei ho petan, chutile vana gou nanei ding ahi; chule hungin lang kanung hinjuiyin," ati. Chucheng asej ajah phat chun amai athimkut jeng tan, chuin gou haotah ahijeh-in lung mong mo tah-in achemang tan ahi. Matthew 22:37, 38 Chuin aman adonbut'in, "Nangman nalung pumpin, nalhagao pumpin, chule nalungthim pumpin Pakai na-Pathen chu ngailun. Hichu

thupeh pipen le amasapen ahi."

LHEPLHAH-IN UM HIH-UN

Jacob 1:22 Ahin nang ho nangma le nangma kilhem lha a thu chu angai mai jeng hilouvin, thu chu abol'a joh hiuvin. 1 John 3:7, 8a Kanaote ho, koima dohan lhah hih hel'un; koi hile chonphat pan chu chonpha ahi, ama chonpha ahi banga chu. Chonset pan chu diabol'a ahi; ajeh chu diabol chu atil abul'a pat hung chonsepeh jing ahi. Ephesus 5:6 Mohthu homkeuvin koima kilhep lhahsah hih un; hitiho jeh chun thua nunglou chateho chungah Pathen lunghan achujin ahi. Galatia 6:3 Mi khattou ikhat hia kingaitoa imachala hilou chu ama kilhemlhaa ahi. Matthew 24:5 "Ijeh-inem itile mi tamtah keima minin bungun tin 'Keima Christa kahi,' tiuvin tin mi tamtah alhep lhah dingu abi." 1 Corinth 6:9, 10 Ole michonse hon Pathen gam alo lou dingu ahi, ti hi nahet lou heluham? Nangho lheplhah-in um hih-un; mi-jong, thilha hou, mijigem, mihuh, palepa kikoi, gucha, neipap kilose, jukham, mihanse, minambol; hiteho chun Pathen gam alo lou hel dingu ahi.

CHONSET CHU THINA

Jacob 1:15 Chule alung ngaichat phalou chu naorop jia chonset ahinji ahi; chule chonset chu apilhin tengle thina sohjia ahi. Rome 8:6 Tahsa lam lunggel chu thina ahin, Lhagao lam lunggel chu hinna le lungmonna ahi. Ezekiel 18:20 Hinkhoa chonsepa chubou thi ding ahi. Chapa chu apa themmo jala genthei lou ding ahi, chapa themmo jala jong mipa genthei loubel ding ahi; midihpa dihna chu ama chungabou umding ahi, chule mi giloupa gitlouna jong ama chungabou um ding ahiye. Thuchih Bu 11:19 Adih kolchah a ngailua chun Hinna anei tei ding ahin, Koi hileh agilou lam lama kiheipa vang chu Itijongleh thilo tei tei ding ahi. Rome 5:12 Hiti chu ahin, mi khat jeh a vannoiya chonset lut, chule chonset jeh a thina lut ahi; chutima chu mi jouse chonset jeh a thina chu mi jouse chungabou lhungsoh ahitai. Luke 15:32 'Hiche nanaopa vang hi athisa hing kit ahin; amangsa kimu kit ahi; hijeh a chu nom satah le kipah tab a ium dingu ahi.' ati.

CHRISTAN THINA AJOUTAI

Thuphon 1:18 Chule ahing jinga chu kahi; keima athisa kahi; ahinla ven, aimatih chan a dingin kahinge; chule thina le thikhol khul kotheh kaneiye. 1 Corinth 15:25, 26 Aman agalte jouse akengto noiya akoi masangsea Aman gamvai apoh ding ahi. Gal nukhahpen thina ahi, hi jong chu asuhmang ding ahi. 2 Timothy 1:10 Ahin tua vang eihuhinga Christa Jesu hung kilah a kona kilangdoh ahitai, aman thina asu beiyin Kipana Thupha a hinna le thilouna chu vah a ahinpoh ahi. John 10:17, 18 "Keiman kahinna chu kakilah kit dinga kalha ding ahin; bichejeh a chu Pan keima eingailut ahi. Khattouvin eilahpeh ding thu ahipoi; keiman kachama kalha ding ahibouve. Lha jong lha theiya chule kilah kit theina thu kaneiye. Hiche thupeh hi ka-Pa a kona kamu ahi," ati. John 11:43, 44 Hichu aseiyin hasap tah-in asamin, "Vo Lazarus, hungdohin," ati. Hichun athipa chu akhut akeng lhanpon a kitom pumin amai ultheh pon a kitom pumin ahungdoh tan ahi. Jesun ajah uva, "Lhamun lang chesahun," ati.

PATHEN THUPEH HO

Danbu Ni Na 5:7-21 "Nangman keima angzunga pathen dang nanei louhel ding ahi. "Nangman chungga vana hihen lang, noi ieiset chungga hijongle, chule leiset noilam twi lah a hijongle thilsem lim tobang khat'a milim kilhajol doi nasemthu louhel ding ahi; hitobang thilsem kistemthuho hi Pathen bola nabola akom' uva nabonkhup'a chule najenle louhel ding ahi. ... "Nangman Pakai na-Pathen min chu mohseh seh a napat louhel ding ahi; ajeh chu ama min mohseh seh a phapoh jingpa chu Pakaiyin themmona beiya akoi louhel ding ahiye. "Cholngah nikho chu nit'jn lang, Pakai na-Pathenin nathupih bang bangin athengin umseh jihg jengin. Nigup sunga nangman na natoh a, natoh ding chan natohsoh hei ding; ni sagi lhin ni vang hi Pakai na-Pathen dinga cholngah nikho ahin, hiche nikhoa hi nangman natoh kitipou pou khat'a khat cha jong natoh louhel ding ahi. ... "Pakai na-Pathenin nathupeh bang bangin, napa le nanu jabolin. ... "Toi natha louhel ding ahi. Chule mi najonpi louhel ding ahi. Guhchat jong

nabol louhel ding ahi. Naheng nakom dounaa jouthua hettohsah a napan louhel ding ahiye. "Naheng nakompa jinu jong nadeichat louhel ding; naheng nakompa in jeng jong nadeichat louhel ding ahi, alou hihen lang asoh pasal hihen, asoh numei hileh, abongchal hihen lang asangan hijongleh, ipi thil hijongleh naheng nakompaa kitipou pou chu nadeichat peh louhel ding ahi,' ati."

PATHENA KONIN KOIMA AKISEL THEIPOI

Thuchih Bu 15:3 Pakaiyin muntiii hi amit te nin amusoh keiyin, Thilse le thilpha kibol jong amelchih jing. Labu 139:8, 12 Vana kaldoh jong leng, nangma naumin; Noimigama lupna kitem jong leng, naume! ... Nang din muthim jeng jong ajing pon, Jan jong sun bep ahin, muthim jong nang din khovah bep ahi. Luke 8:17 Ijeh-inem itile kiphong lou dinga imacha ki-ima aumpoi, chule hetdoh lou ding le kilangdoh lou ding kiselguh imacha aumpoi. Job 34:21, 22 "Ajeh chu Pathenin mihem kho-lhah amelchih-in, Akalsonna lam lam ave-lhi keove. Thilse bol miho kiselna thei ding, Khojin muthim lah jong abeitai."

CHONSE HO TONSOTNA GOTNA CHANGDIU

Labu 9:17 Pathen sumil namtin vaipi abonchan, Migilou jouse noimigama chesoh keidiu ahi. Matthew 13:41, 42 Mihem Chapan Avantil te sol'in tin chule amahon gamsunga konin kisuhsmona chengse le akhang giloute jouse chomkhomun tin, lhum sunga aselut dingu ahi; hikoma chu ka le hagel um ding ahi. 2 Peter 3:7 Hiche thu ma ma a chu tulai vannoi leiset hi Pathen ngaisah louho thu kitan le akisuhsman nio geiya dinga kikheh meiya dinga kikhol khoma ahi, ti hi. Matthew 18:8 Chule nakhut ahim, nakeng ahim khatjo sangin nakipal lhuh sah a ahile tan bongin lang paimangin; khut ni keng ni neiya tonsot kemlou meikonga nakilelut sangin, ti bukim lou le kengbaiya hinna a lut le chun nang dingin aphajoi. Thuphon 20:15 Chule hinna lekhabu sunga amin kiholdoh louse chu mei dil'a chun aleh lut tauvin ahi. Matthew 25:46 "Chule amaho chu tonsot kemlou talen man dinga cheuva michonpha ho chu kem lou tonsot hinna a che ding ahiuve," ati.

AHUNGLHUNGDIING THUPITANNA

Solchahte 17:31 Aman nikho khat atep ahin, hiche ni chule ami tun chun chondihnaa vannoi hi athu atan ding ahi; ama chu athia kona akai-thouva mi jouse ahet kichensah ahitai," ati. Rome 14:12 Chuti ahi jeh a chu ibonchauva Pathen henga eima chonchan cheh ikisei dingu ahi. 1 John 4:17 Hichea hi thupi tan ni le eiho ihakat theina dinguva ngailutna chu eiho chungah kisuchamkim ahitai; ajeh chu ama um banga eiho hiche vannoiya hi iumu ahi. 2 Corinth 5:10 Mitinin tabsaa athilbol apha hile, ase hile, athilbol dungjui cheh a atohman asan cheh theina dinga, eiho ibonchauva Christa thupi tanna anga chu ikilah cheh dingu ahi. 2 Peter 2:9 Pakai chun Pathen ngaisah ho chu lhezpa a kona huhdoh je ahen chonphalou ho thupi kitan ni kahsea dinga talen matsah a koi je ahei. Hebrews 9:27 Chule mihemte dinga khatvei thia chujou le thutanna hung um ding chu gotsa ahin.

JESU CHRIST MI LUNGSET

2 Corinth 9:15 Athilpeh sei thei lou jehhin, Pathen thangvah-in umhen. 1 Peter 5:5b ... Ajeh chu Pathenin mihoitho ho adoudal'in mi kineosah ho lungsetna achanjin ahi. Rome 9:16 Chuti ahi jeh chun hiche hi alunga tuhpa vang jong hiiouva, adelpa vang jong hilouva, alungsetpa Pathen vanga konjoh ahibouve. Solchahte 4:33 Chuin solchahho chun thahat chungnung tah-in Pakai Jesu thokit thu ahettosah jiuvin: abonchauva chungah lungsetna nasatah aumtan ahi. Rome 5:15 I Ahivangin manbeiya thilpeh chlu sukhelatoh kibang ahipoi; ajeb chu mi khat sukhel jeh a midang jouse athia ahile, achung-hon cheh-a Pathen lungsetle mi khat, Jesu Christa, lungset vanga thilpeh chu mi tamtah chungah letset a chua ahitai. 2 Corinth 8:9 Ajeh chu Ama vaichat vanga nangho nahaodoh theina dinguva, ahaonasaa nangho jala vaicha jenga, hiche Pakai Jesu Christa lungset chu nanghon naheuve.

KISIHNA

Ezekiel 18:31 Nanghon keima douna thil suh khel nanei cheng seu chu abonchan nanghoa konin paidoh soh heluvin lang, lungthah semuvin lhagao thah kengun! Ipi dinga namoh thi dinguh ham, Vo Israel insung? 2 Corinth 7:10 Ajeh chu Pathen lam dola lungthem chun huhhinga umna asoji ahi; hichun kisahna asojipoi; vannoi leiset lam dola lungthem chun thina asojin ahi. Matthew 3:2 "Nalung heiyun van gam anaitai," tin Judea gam gamthip'ah thu alhangsam len ahi. Luke 13:3 Ahipoi, kaseipeh nahiuve; nang ho jong lung nahei louvu le chutobangma chu namanthah dinguh ahi. Solchahte 3:19 Hijeh chun, nachonsetnau chulmanga aum theina dingin nalung heiyun, hung kilehei kit'un, chutile Pakai anga konin haldohna kiledohna phat chu hung lhung theyin tin. Solchahte 17:30 Ihet lou laiyou chu Pathenin einavetthimu ahin; tu vang in gam jousea mi jousen alung aheina dinga thu apen ahitai.

CHONSET NGAIDAMNA

Ezekiel 18:21 ; "Ahin mi gilou khattou abolsa achonset chengsea kona chu ahung kilehei kit'a keima chondan ho jouse anit'a, dan lhingset adih chu abola ahileh, amapa chu hing tei tei ding ahi; hichepa chu thi louhel ding ahiye." Mark 2:5 Jesun atahsanjeu chu amun langthipa jah a chun, "Chapa nachonset na bo ki ngaidam ahitai," ati. Solchahte 5:31 Ama chu Pathenin Israelte lungheina dingle chonset suhbeina dinga, Pakaile Huhhinga hi dinga akhut jet'a achoisang ahitai. Isaiah 55:7 Mi gilou chun achonna lampi dalha hen lang. Midih louvin alunggel jouse gelda hen; Pakaiyin ahepi theina dingin Pakai henga hung kile kit hen, I-Pathenu henga chun; Ajeh chu Pakaiyin bulhingset'a angaidam dipg ahiye. Thuphon 3:20 Ven, keima kotkhah bul'ah kadingin kot kakiu jinge; mi khattouvin ka-ogin ajah a kot ahdna ahile, keima kasung lhah a ama chu an kaneh khompi ding ahi; chule aman jong keima an eineh khompi ding ahi.

LEISET NGAICHAT TO KIKHEN

1 John 2:15, 16 Nang hon vannoi leiset le vannoi leiset lam doi thil chengse ngailu hih hel'un. Koi hile vannoi leiset ngailua chu alung sunga

Pa ngailutna cheng lou ahi. Ajeh chu vannoiya um ho jouse tahsa lam ngaichat, mit deichat, hinlai kimoh vahchoi, hicheng hi Pa a kona ahipoi, vannoiya kona ahibouve. Isaiah 1:16 Kisii ngimuvun lang kisuthenguvun, Kamit mun thil gilou nabol jouseu toi manguvun lang, Thilse bolkit datauvun. Thilpha bolje kithem chuh-uvun lang. Colossae 3:2 Leiset thu geldauvin, chung lam thu jengbou gelun. Titus 2:11, 12 Ajeh chu Pathen milungset hung kilah a mi jouse huhhingna chu ahinlhut ahitai; hitia chu eiho Pathen ngaisah louna le vannoi leiset lung ngaichat jouse pumpaiya, lung lima chondih a chule Pathen ngaisahna neiya tu khanga hi ikhosah dinguh ahi. Ephesus 5:11 Ahin muthim natotho ga neilou chu kikoppi hih un; amaho chu sosalun phohsal jovin.

PEN THAH

1 John 2:29 "Ama chonphatah ahi, hichu nahet jinguva ahile koi hile chonphatna lama chonpa chu, ama a kona pengdoh ahi, ti jong chu naheuve. 1 Peter 1:23 Ajeh chu nang ho kem mang thei chia kon hiiouva, kem mang theilou chia kona Pathen thuhing le tonsot um jing pengthah nahiu ahitai. 1 John 5:18 Eihon hiche hi iheuve; koi hile Pathena kona penga chu achonsejipoi; ahin Pathena kona penga chu ama akihongdoh jin chule agilou chun atongkhajipoi. 1 Corinth 6:11 Nangho abang hiti chu nahiuvin, ahivangin Pakai Jesu Christa minle Pathen Lhagaova kisil ngim nahitauvin, akisuthenga them changa nahitauve. John 3:3 Jesun adonbut'in ajah a, "Tahbeh a kaseipeh nahi, koi hijongle chungu kona thahpen kit lou chu koiman Pathen gam amu theipoi," ati. 2 Corinth 5:17 Hijeh chun koi hile Christaa um chu akisemthah ahi; alui chengse chu amanggama ahitai; veuvun, athah ahitai.

CHONSETA' THI — CHRISTAA THODOH

Ephesus 2:1, 6 Chule nangho nathem nauie nachonset nauva nathi pettah uva, Pathenin nahinsah-u ahitai. ... Chule Christa Jesu vanga eihepiu hi khonunga phat hung lhung dinga chu amilungset hao chungnungje phongdoh dinga. Colossae 3:1 Hijeh chun nangho Christa toh kaithou thaa

um nahiule, Pathen jet lama tou jinga Christa umna chung lam thu jengbou chu ha holun. 1 Peter 2:24 Aman eiho chonset jouse atahsa chung apon thingleh geiyin apodohtan ahi; hichu eiho chonset lama ithiuva chonphat lama ihinna ding ahi; ama kijepna mahaa chu nang ho kiboldama nahitauve. Galatia 5:24 Christa Jesua hiho chengse chun tahsaphe chu alungtuple, angaichat puma thingpela akhetbeh thau ahitai. Rome 6:2, 11 Chonset lama athisa eiho, chonset'a iti ihin jing nahlai dingham? ... Hiche bang bang chun nangho jong chonsetna lamah athisan kigelunlang, Pathen lamah Christa Jesu'ah ahingin ki-gelun.

TONSOT HINKEMLOU

John 17:3 Pathen tah khatseh nangma le nasol Jesu Christa tah chu ahetdoh ding, hiche hi tontot hinna ahi. John 5:24 Tahbeh beh a kaseipeh nahiuve, kathusei ngaiya chule eisolpa tahsan chun tonsot hinna anei ahitai, chule thupi tanna geita louva, thinaa kona hinna galkaiya ahitai. John 3:36 "Chapa tahsana chun tonsot hin kemlou anei ahitai; Chapa thu ngai lou vang chun hinna mu lou ding, Pathen lunghan achunga umjo ding bou ahi," ati. John 3:14, 15 Chule gamthip'a Mose'n gui adop sang bang banga chu, hoi hile atahsan chanin ama a tonsot hin kemlou anei theina dinga Mihem Chapa hi kidom sang ding ahi. Rome 6:23 Ijeh ham itile chonset man thina ahi, Pathen thil mohpeh Vang hi Pakai Christa Jesu vanga tonsot hinna ahi. 2 Corinth 5:1 Hiche pon-in tobang kaleiset inu hi kiphelha jongle, khut'al sahlou tonsot in Pathena kona kisa indet chu vanah kaneiye, ti kaheuve.

HUHHING NA DINGA LHAMUNNA

Galatia 4:6 Chule nangho chate nahiu jeh a chu Pathenin Amaa kona a-Chapa Lhagao chu ilung sunguva ahinsola Ama chun, Abba, Pa, tia akou ahi. John 14:21 "Kathupehho neiya chule nit chu eingailua ahi; chule keima eingailua chu ka-Pan angailut ding; chule keiman ama chu kangailut a ahenga kakiphon ding ahi," ati. Isaiah 32:17 Adih aum jeh a chu chamna hung uma, Adih alen jeh a Atonsot geiya dia thipbeh cha Tahsanna um

ding ahi. Rome 8:16 Lhagao chun amatah-in eiho lhagaotoh kithoa Pathen chate ihu eihetsah-u ahi. 1 John 4:13 Hichea hin eihon eiho ama a um ihu chule ama eihoa um ahi chu iheuve; aman ama Lhagao eipehtah jeh-u chun. 1 John 3:18, 19 Kanaote ho, khaiye, eihon thu jeng le kamsung keo jenga hilouvin nato le thutah-in ngailuu hite. Hichea chu eiho thutah a kon ihuive, ti chu ihet dingu ahi, chujongle ama mitmua ilungu kinem jinga um ding ahi.

CHRISTAA KIPANA

Rome 14:17 Ajeh chu Pathen gam chu anneth twidon thua ahipoi; chonphatna, lungmonna, Lhagao Thenga kipanajohbou chu Pathen gam thupi ahi. Labu 16:11 Nangman hinna lampi neihil'in, Nang umna jousea kipana alhingset jin ahi; Nukhut jetlama Tonsot tonsot'a lung lhaina jeng nachoiye. John 17:13 Tuvangin nahenga hung ding kahitai; chule kakipana amahoa auma anei kimna dinguva vanhiche thu hi kasei ahi. Isaiah 12:3 Nanghon kipah pum puma huhhinga twikhuh a kona twi nakithaluva. John 15:11 Kakipana nanghoa aum jiagna ding le nakipanau akimna dinga, hicheng thu hi najah uva kasei ahi. Galatia 2:20 Keima Christa toh thingpela kikhetbeh thaa kahitai; keima ahinga kahi tapoi, Christa chu keiya hinga ahibouve; tua tahsaphea kahin hi keima eingailua keima dinga kipedoh Pathen Chapa tahsan vanga chu hinga kahibouve.

PAKAI THUPEH JUI ANGAIYE

Rome 6:16 Koi heng koi heng hijongle athua nung dinga asoh-a nalutna chu, thina dinga chonsetna lam hijongle chonphatna dinga thua nunna hijongle, athua naumpa soh chu nahi, hichu nahet louvuham? 2 Thessalonica 1:7-9 Pakai Jesu thahat loupina Vantil chengsetoh meikonga vana kona ahung kilah-a, Pathen helouhole i-Pakaiyu Jesu Christa thupha joplou chengse chungu phu alah tengle, naphuu alah-a nabol hesohho chengseu chu, abol hesoh-a hesoh thoh a nangho chu keiho chengse toh ol eipeh dingu chu; hiche ni chule ama amithengtea loup dingle, atahsanbo chengsea (Keiho thu hettosah natahsanu ahitan) kidang tah a choiatna um

dinga ahung tengle. Danbu Ni Na 11:26 28a "Ven, tuni hin keiman nang ho masanga phattheina jong gaosapna jong kakoipeh cheh uve; tunia keiman nang ho kathupeh, Pakai na-Pathenu thupeh chengse chu nanit'uva athua nanun'uva ahileh phatthei channa hitin, amavang tuni nikhoa keiman nang ho kathupeh Pakai na-Pathenu thupeh chengse hi ngailouva."

CHRISTA CHU KAMA PHONDOH ANGAIYE

Matthew 10:32, 33 Hijeh chun koi hile miho ang a kei eiseidoh chau chu keiman jong van a ka-Pa ang a kaseidoh ding ahi. Amavang koi hile miho ang a keima eiseileppa vang chu keiman jong van a ka-Pa ang a kaseilep ding ahi. Rome 10:9, 10 Ajeh chu nangman nakama Jesu chu Pakai tia naphondoh-a chule Pathenin ama chu athi laha konin akaithouve, ti nalunga natahsan le, asohcha ding nahi. Ajeh chu chonphatna dinga lunga tahsan ahin, sochatna dinga kama phondoh ahi. 2 Timothy 2:12 Athoh chu ithoh piu le avaipoh jong ipohpi dingu ahi; eihon ama seilep leu hen, aman jong eiseilep dingu ahi. Luke 9:26 Ijeh-inem itile koi hijongle keima le kathua jahcha chu, Mihem Chapan ama loupina le Pa loupina chule Vantil theng te ho loupina a ahung tengle amapa chu ajachatpi ding ahi. 1 John 2:23 Chapa jada a chun Pa chu anei loulai ahi; Chapa janoma vang chun Pa jong chu anei ahitai.

SATAN - MELMA LENPEN

Matthew 4:1, 10, 11 Hichun Jesu diabol lhez patep'a um dingin gamthip a Lhagao puitouvin aumtan ahi. ... Chutah-in Jesun ajah a, "Chemangin, Satan; ijeh-inem itile hitin akisune, 'Pakai na-Pathen chu chibai boh-in lang ama jeng bou houvin,' akiti," ati. Chuphat'in diabol'in ama adalhatai; chuin veuvin, Vantil ho ahungun ama chu ahung jenleutauvin ahi. Solchahte 26:18 'Amit'u hadohsah dingle muthim lah-a kona khovah-a, chule satan thuneina noiya aumuva kona Pathen henga akihei theina dingle, achonsetnau akisuhbeiya, keima eitahsan vanga kisuthengho lah-a gou alo theina dinguva ahenguva kasol ding nahi,' eiti. 1 Peter 5:8 Limgeh chan umun. kihongphauvin; nakidoupiu diabol chu keipi bahkai kituma banga

koi kaval lhum theidem, tia hoi lea vah lea ahi. 2 Thessalonica 2:9
Hichepa hung chu satan natoh dungjuiya thilbolthei thahatle melchihna
chule jouthil kidang bol chengse toh hung kitho ding ahi.

SATAN GAL JO

2 Thessalonica 2:8 Chule hiche teng chule dan susea chu hung
kiphongdoh ding ahi; ahinla Pakai Jesun akam hua ama chu athaa chule
ama hung kilah a chu asuhmang ding ahi. Jacob 4:7, 8a Chuti ahijeh chun
nang ho Pathen thun nungun; ahin diabol vang chu lethuh jiuvin, chutile
nakomuva konin jam mangtante. Pathen kom naiyun, chutile ama nang ho
kom hung nai ding ahi. Hebrews 2:14 Chuti ahijeh chun chapangte ho chu
thisan le tahsa chang khom ahijeh-u chun, thinaa thina thu neipa, hichu
diabol ahi, asuhpoi theina ding le. Rome 8:35, 37 Christa ngailutnaa kona
koiham eikhen dinga? Hesoh gantheile, lungdonna, bolsetna, gilkel, pon
beiya um, settona, chemjam, hicheng chun eikhen thei dingham? ... Ahinla
eingailupau vangin hicheng thua hin eiho galjou sanga galjou ihiuve. 1
John 3:8 Chonset pan chu diabol'a ahi; ajeh chu diabol chu atil abul'a pat
hung chonsepeh jing ahi. Diabol natoh ho jouse sumang dinga Pathen
Chapa hung kilah ahi.

NGAILUT HI SEIJUI

1 John 4:20 Khattouvin, "Keiman Pathen ka-ngailui," tihen asopi ho ta le,
ama chu mijou ahi; ajeh chu aman amusa jing asopi bon angailut loule
amukhah louhel Pathen chu angailut thei lou ding ahi. Galatia 5:22, 23a
Lhagao ga vang chu ngailut, kipa, chain, lungmon, thohhat, mihepi, phat,
tahsan umtah hi, lungneng, ama chang kitim, hicheng hi ahi. John 13:35
"Nang ho nang ho lah a nakingailut to cheh uva nahiu le nang ho chu
keima seijui nahiu hichea chu mi jousen aheth ding ahi," ati. John 21:16
Aman ajah a, "Kakelngoi nou ho vah-in," ati. Anivei nan ajah a, "John
chapa Simon, nangman neingailut'em?" ati kit tai. Aman ajah a, "Henge,
Pakai ka-ngailut nangman nahenai," ati. Aman ajah a, "Kakelngoi ho
chingin," ati. 1 Corinth 13:1 Keiman mihemho paole vantilho paovin thu

sei jeng jongleng, ngailutna kanei loule, sum-eng kivogingle khutbeh kibengto bangbo u kahi ding ahi. 1 John 5:3 Ajeh chu atrupeh nit hi Pathen ngailutna ahi; chule athupeh chengse jong chu pohgihsa ahipoi.

JESU CHRISTA THODOH KIT

Solchahte 10:39-41 Chule Judahho khotinle Jerusalema abol athilbol jouse hetoh keiho kahiue; ama chu thinga akhaiyun athattaue. Ama chu Pathenin anithum nin akaithouvin akiphondoh sahtai; mi jouse heng hilouvin amasanga Pathenin alhendoh athodoh nunga amatoh nekhom a donkhom aheto keiho heng ahibouve. John 20:26-28 Chuin ni get jou man seiuite insunga aum pettah-un hia chu Thomsa jong ahiuvin, kot kikhah soh keiya ahin, Jesu ahung kit'in alah uva ahung dingin, "Nachunguva lungmon um hen," ati. Chutah-in Thomas jah a, "Nakhutjungin hinkhoiyin, kakhut te ni hi ven; nakhut hin lhangin lang kanah thamin; chule gingchalel louvin tahsanin." ati. Thomas chun adonbut'in ajah a, "Ka-Pakai le ka-Pathen," ati. Mark 16:9 Chuin hapta ni masapen ni jingpia athodoh jou chun Magdalene Mariam, asunga kona thi lha sagi anodoh amanu henga chun akilah masapenin ahi. Rome 4:25 Hiche Jesu chu eiho sukhel jeh a kipedoh ahitai; chule eiho chonpha a ikisimna dinguva kaithouva uma ahitai.

THOKITNA - IKINEP NAU LOUIPEN

Matthew 16:21 Chuche jou chun Jesu Christan Jerusalema achea upa ho le thempu pipui ho chule danthu sun hoa kona thil tamtah athoh a chule akitha a, chule ni thum nia kaithouva aum tei ding danje chu aseijuite ahii pantan ahi. John 5:25, 28, 29 Tahbeh beh a kaseipeh nahiuve, 'Phat ahung lhunge, tu hi ahi, mithihon Pathen Chapa o ajah dingu; chule aja ho chengse chu hing ding ahiue. ... Hiche hi datmo hih-un; ijeh-inem itile phat ahung lhunge, hichea chu than khuh a um ho jousen o ajah dingu, chule hungdoh ding ahiue; thilpha bolte ho chengse hinna a thoudoh kit ding, chule thilphalou bolte ho chengse themmo changa thoudoh ding ahiue. Rome 6:3-5 Eiho Christa Jesua baptize chang chengse hi thinaa

baptize changa ihu hi nahet louvuham? Hiche jeh a chu Pa loupina vanga Christa athi lah a kona akaithou banga chu eiho jong hinkho thah lam chu ijot theina dinguva, baptize chana hi athinaa amatoh kivuithaa ihitauvin ahi. Ajeh chu ama thi lim banga ithiuva amatoh kijommat ihiule, athokit lim banga jong ithokit dingua ahi.

PAKAYA THENNA

2 Timothy 2:21 Hichenga kona kithensodoh chu ama chu sahlut doi tah ahi, akisutheng ahin, Pakai natonga lomtah ahin, chule thilpha bolna lam jousea dinga kigosa ahi. Luke 1:74, 75 Igalteu khut'a kona huhdohna eisempeh uva, Ihinlai sungseuva ama angunga olmona nei louhel'a, Thengtah le dih tah a Ama ihou theina dingua ahi. 2 Timothy 2:15 Nangma kipatep them chang banga Pathena kipehna dingin gunchun pon panin, jachatna beihel natong mi hin, thutah thu chu jangkei chan mang chan. 1 Peter 1:15 Nakoupau athen bangin nang ho jong nun le khan jousea thengun. 2 Corinth 7:1 Hijeh chun, sopi ngaite, thutep hicheng chu ineiyu ahi jeh chun hungun, lhagao le tahsa kisuhbohna jousea konin kisuthengu hitin, Pathen gingin thennaa chamkimin umuhite. 1 Peter 1:2 Thua nung ding le Jesu Christa thisan thekhuma um dinga Pa Pathen lung got masah dungjuiya Lhagao suh theng kilhengdoh ho heng'ah, lungsetna le lungmon na nachunguva pung hen.

PAKAYA THENNA

Hebrews 13:12 Hichejeh a chu Jesun jong ama thisana mihemte suh thengna dinga khopi kotpi polama thina athoh ahitai. Ephesus 1:4 Ajeh chu aman vanoi bul phudoh masanga pat ama anga ngailutna le thenga chule nolna beihela ium theina dinguva eiho einalhendoh sau ahin. 1 John 1:9 Eihon chonsetna iphon vangule ama chu eiho chonsetna chengse ngaidam ding le chonphat louna jouse sil theng dinga tahsan umtah chule chonphatah ahi. Isaiah 35:8 Chule lamlan khat hung kilhungin tin, Hiche chu 'Lampi Theng' kiti ding ahi; Miboh atheng lou jousen hiche lampi chu ajot louhel ding, Mi-ngolten jong asunga chu adihlou abol louhel diu ahi.

Matthew 3:11 "Lungheina dinga keiman twiya baptize kachansah bou ahi; amavang kanunga hungpa keima sanga chungnungjo ahi; keima akengchot choi dinga jong kilom kahipoi. Amatah chun nang ho Lhagao Theng le meiya baptize nachansah dingu ahi."

LHAGAOVA DIMSET MIHO

Rome 8:9 Pathen Lhagao nasunguva achen vangle, tahsa lama chon hilouva Lhagao lama chon nahiu ahi. Christa Lhagao neilou vang chu Christaa ahipoi. Ezekiel 36:27 Chutengle nasunguva kalhagao kakhumpeh a, keima chondan thu ho chu kajuisah diu, kachonna dan ho chu kitup tah a kanitsah ding nahiuve. Solchahte 11:24 Ijeh-inem itile ama chu mipha ahin, chumale Lhagao Thengle tahsan dimset mi ahi; chuin miho atama tam Pakaiyah alutbetauve. Luke 11:13 "Hijeh chun nang ho hon migiloutah hiuva nachateu thilpha pehje nahet'ule, hiche sanga chun gam chenga van a Pa chun ahenga thumte chu Lhagao Theng apeh lou ding ham?" ati. Solchahte 4:31 Hiti chun ataovun ahile akikhop nau chu ahung kilingin, abonchauvin Lhagao Thengin adimun hakattah-in Pathen thu aseitauve. Solchahte 1:8a "Amavang Lhagao Theng nachunguva ahung lhun tengle nanghon thahat nanei dingu ahi. ..."

CHRISTIANTE EITEP PEHU KIDANGTAH

Isaiah 66:2 Thil hicbengpi hi keiman kakhut'a kasem cheh ahin, Hijeh a chu aboncha hi keiya ahi, tin Pakaiyin aseiyee. Ahinla keiman kavet khoh ding mi chu Lhagaova lung nema lungkhel pa Keima thusei ajah tengleh Kitihot hotpa chubou ahiye. Thuphon 21:4 "Chule amit chenguva amit lhi chengseu ateh ngim ding; chule chule thina umta louhel ding; chule lhasetna le ka-na chule nat thohgim umta lou ahi; thil masa ho chengse chu kitol mangsoh ahitai," ati. 1 Peter 4:12, 13 Ngaite ho, nang ho patep dinga nalah uva meiya kongga chu thil kidang nachunguva hung chua bangin kidang sa hih-un; nang ho Christa hesoh genthei thoh khompia nahiu bangtah chun kipah jouvin; chutia chu aloupina hung kilah teng le lung thanop toh goma nakipa theina dingu. Labu 37:3 Pakai jenga ki-ngaiyin

thilpha bol'in, Chutileh gamsunga chengin natin lung monga naum ding ahi.

LHEP'A UMHO ATEPNA

Rome 16:20 Chule chamna lungmonna Pathenin satan chu nakengto noiyuva achil ngemvah ding ahinai. Rome 8:28 Ahin Pathen ngailuho chengse, Ama lunggot lam doltah a kikouho ding vang chun, ijakaiya aphanatna dingu atong khom e, ti chu iheuve. Isaiah 43:2 Nangin twipi lah najot tengleh keiman nalthon ping ting, Vadung ho napal teng jongleh nachup lou ding ahi; Nangman meikong lah napal teng leh Nakahvam den lou ding; Meikong deujejun nangma Naleogep den louhel ding ahiye. Hebrews 2:18 Ajeh chu aman lhepna atoa hesoh genthei athoh jeh chun lhepna toh ho phatna bol'a hu thei ahi. 1 Corinth 10:13 Mihem dou thei kaval lhepna nachuguva achukhapoi; Pathen tahsan umtah ahin, natha-in adou jou kalvalin lhepna nachunguva chuhsah ponte; hijeh chun nathoh jouna dingu, lhepna chutoh kilhona nakihuhdohna dingu lampi jong nasempeh dingu ahi. Labu 34:19 Midih thoh gentheina tampi ahin, Ahinla Pakaiyin hichengsea kon jong hin ahuhdoh soh-e.

AJOU HO DINGA ATEPNA

Thuphon 3:5 Ajouva chu ama jong chutia chu ponbanga kijem ding ahi; chule keiman ahing lekhabua kona ama min chu kathai mang louhel ding ahi; ahin ka-Pathen angsung le Avantil chengse angsunga ama min chu kaseidoh ding ahi. Thuphon 3:21 "Keiman kajoa ka-Pa koma laltouna a katou banga hi ajouva chu kakoma kalaltouna a katousah ding ahi," ati. Thuphon 21:7 Ajou chanin hicheng hi alo ding ahi; keima a-Pathen hing ting, ama kachapa hi ding ahi. Thuphon 3:12 Ajouva chu ka-Pathen houin khoma kasem ding, chule chua kona chu potdohta louhel ding ahi; chule achunga ka-Pathen min, chule ka-Pathen khopi Jerusalem khopi thah, van a kona kaPathen koma kona hung kumlha ding, hiche min chutoh keima min thah kasut ding ahi. Thuphon 2:7 "Nakhang nei chanin Houbung ho jah jah a Lhagao thusei hi ngai hen. Ajouva chu keiman Pathen ol lim daiya um hinthing ga kanehsah ding ahi," ati.

KIDA CHUNG PATHEN THUMOP

Matthew 5:32 "Ahivangin keiman najah uva kasei ahi, Ajon jeh tailouva thu dang jeh-a aji daa chun ajinu chu ajonsah ahi; chule koi hile akidasa numei chu akichenpia jong chu ajonga ahi." Luke 16:18 "Aji da a achom dang kichenpi chan chu ajonga ahi; chule ainneipun ada numei kichenpia jong chu ajonga ahi." Rome 7:2, 3 Numei jineiya chu ainneipu ahinlai chancea danthun ainneiputoh akanbeh jing ahin, ajipa athi teng vangle ainneipu danthua kona chu ongdohjia ahi. Chuti ahi jeh chun ainneipu hinpet'in midang ji hitahen hile, chutengle amanu chu ajonga kiti ding ahi. Ainneipu thi teng vangle, danthua kona onga ahitan, pasal dang ji hijongle ajonga hita lou ahi. 1 Corinth 7:10, 11 Ji neisaho vang hiche thu hi kapeh ahi, keima kahipon Pakaiyin apeh ahi, numeiya ajipa da hihhen. Adatah jongle jinei louvin umhen, ahiloule ajipa toh kihoucham kit jenghen, chule pasalin jong ajinu da hihhen.

CHRISTA HUNGKIT DING

Matthew 24:27 "Ijeh-inem itile kolphe niso lama ahung phetdoh le nilhum lam geiyin asalvah-in; Mihem Chapa hung kit jong chutobang ding ahi." Thuphon 3:11 Hung vahjet ding kahi; nalal lukhuh chu koiman nalahpeh louna dingin nanei sun chu tuh det jingin. John 14:3 "Chule nang ho ding mun sema kachea ahile, keima umna a chu nang ho jong naum theina dinguvin keima hung kit ing ting kahenga dinga kahung pui ding nahiuve." Mark 8:38 "Ijeh-inem itile koi hijong le tulai khang thah jonna le chonset pan lah a keima le kathua jah-cha chu Mihem Chapan jong a-Pa loupina a a-Vantil thengte toh ahung ni le amapa chu ajachatpi ding ahi," ati. Matthew 24:30 "Chutah le vanlajola Mihem Chapa melchihna hung kilang ding; chule chutengtah le vannoi leiset phungtinin aom achup chup ding ahi, chule vanlajol'a Mihem chapa thuneitah le loupung chung nung tah a mei chung ahung amu ding ahi."

CHRISTA HUNGKIT DING

Matthew 16:27 Ijeh-inem itile Mihem Chapa a-Pa loupina a Avantilte tohung ding ahi; chule chutengle aman mi athilbol dungjui cheh a asansah ding ahi. Luke 12:40 "Nang ho phasademin umun; ijeh-inem itile nagel lou pettahu le Mihem Chapa chu hung ding ahi," ati. Thuphon 16:15 "Veuvin, keima gucha bangin kahunge. Koi hile kihong jinga sagoh a auma ajachat kiphon louna dinga aponsil kivetphat jinga chu anun nom ahi," ati. 1 John 3:2 Ngaite ho, tun eiho Pathen chate ihuive; chule ipi ihung hi dingu tun akiphongdoh hih iaiye. Ama ahung kilah teng le eiho ama bang bang ihi dingu ahi, ti chu eihon iheuve; ajeh chu ama aum bang banga chu imu ningu ahi. Solchahte 1:11 Miteni chun, "Galilee gam miho, ibola nadinuva van lam navet jinguham? Hiche Jesu nangho koma kona vana kilatou hi, yana akaltou namu bang banguva hi hung ding ahi," ati lhone.

PATHEN THU CHU

2 Peter 1:21 Ajeh chu thusoh ding chu mihem lung chama konin asoh khapoi; miho chu Lhagao Thengin asotlea Pathena kona ama chanu asejiu ahibouve. Labu 119:105 Nathu hi kakeng din thaomeiyin apangin, Kalampia khovah-in apange. Matthew 22:29 Jesun adonbut'in, "Pathen lekhabua thu le Pathen thahatna nahetjoh sangu aum loujeh a nakhel jiu ahi." Luke 21:33 "Van le lei mang ding ahin; keima thu vang mang lou ding ahi." Labu 119:11 Kalungthima nathu kakhoh jingin, Nang douna kachonset louna din kakoie. 2 Timothy 3:16 Pathenin ahaikhum Pathen lekhabua thu kisun chengse chu kihilna a kipho na a kipuijangna a, chonphat kisinsahna dinga phatah ahi. Danbu Ni Na 4:2 "Keiman nang ho kapehsa thupeh hi gop jong nagopbe thei louhel diu, lahdoh jong nabol thei louhel dingu ahi; hitobanga hi keiman nang ho kathupeh Pakai na-Pathenu thupeh chengse chu nanit thei diu bou ahiye."